

Sa Kap Pase ak Tibebe W La?

Devlopman Tibebe W la



Vizit 15 Mwa

Timoun piti ou a ap itilize tout nouvo kapasite fizik, rezònman ak langaj li yo pou li kapab konpetan nan rezoud pwoblèm.

15-18 MWA: Sa Kap Pase?

Kisa Tibebe W La Ka Fè

Mwen sèvi ak kò mwen pou eksplòre ak aprann.

- Mwen mache epi mwen ta ka kouri e grenpe.
- Mwen ka fè madjigridji ak yon kreyon koulè epi bati yon pilòn an blòk.
- Mwen ka manje poukont mwen.



Map itilize langaj pou m konprann mond ki alantou m nan.

- Mwen ka konprann kesyon ak enstriksyon senp tankou "Choute boul la pou mwen."
- Mwen kominike nan konbine son ak aksyon, lonje dwèt sou yon goblè epi di *lolo* pou dlo.
- Distans mwen rive laj 18 mwa, map kapab di jiska 20 mo.

Kisa Ou Ka Fè

Ankouraje pitit ou a pou li sèvi ak dwèt li ak men li yo pou l eksplòre. Kite yo fè madjigridji, tape yon piyano jwèt, oswa kenbe yon bagèt kap fè boul kim.



Jwe "Jwèt Olenpik Tibebe." Kreye defi ki san danje—tankou grenpe sou yon pil kousen, pou pitit ou a metrize jwèt la.

Poze pitit ou kesyon: "Èske w ta renmen yogout oswa yon fig pou goute?"

Dekri jès li yo ak mo: "Wap lonje dwèt sou zwazo ki nan syèl la."

Li ansanm, chante ansanm, epi envante poèm ak istwa. Sa ede devlope yon lanmou pou lang ak mo.

Pandan wap itilize feyè HealthySteps yo, sonje pitit ou a ka devlope kapasite l pi vit oubyen pi dousman pase sa ki make nan feyè yo e atoutsa lap grandi trè byen. Chak timoun devlope nan pwòp vitès pa yo. Espesyalis HealthySteps ou a ap disponib pou reponn nenpòt kesyon ou genyen. Kwayans ak valè kiltirèl fanmi w se faktè enpòtan tou ki fasonnen devlopman pitit ou a.

Sa Kap Pase?

Kisa Tibebe W La Ka Fè

Mwen kòmanse konprann kijan aksyon mwen yo afekte santiman lòt moun tou.

- Mwen ka eseye konsole yon moun ki sanble li tris.
- Mwen repete son ak aksyon ki fè moun ri.
- Santiman mwen yo ka difisil pou mwen jere. Mwen ka kòmanse fè kolè epi map bezwen èd ou pou m kalme.

Mwen vin konpetan nan rezoud pwoblèm.

- Mwen ka fè yon bagay plizyè fwa pou konprann kijan li fonksyone.
- Mwen sèvi ak objè yo jan yo sipoze itilize yo—tankou pale nan yon telefòn selilè jwèt.
- Mwen imite sa mwen wè lòt moun fè—tankou eseye siye tab la ak yon eponj.

Kisa Ou Ka Fè

Li liv ki pale sou santiman yo. Asosye sa w li ak eksperyans pitit ou a: "Ti gason an nan liv la te santi l tris lè l di papa l orevwa, menm jan w fè pafwa."

Rete kalm pandan kriz kolè yo.

Fè respirasyon pwofon, konte jiska 10 oswa fè tout sa ki ede ou pa reyaji. Lè w rete kalm, sa ede pitit ou reprann li pi vit.

Kite pitit ou a repete menm aktivite a si li vle. Li ka raz pou ou, men pratik la enpòtan pou li..

Yon fwa pitit ou a aprann yon nouvo konpetans, tankou voye boul la, fè yon bagay nouvo: Mete yon panyen lesiv pou li ka voye boul la anndan l.

Lòt Bagay Pou w Konnen ak Eseye

Timoun piti yo rezoud pwoblèm atravè itilizasyon kò yo ak lespri yo pou fè plan pou atenn objektif yo. Pa egzanp, timoun piti yo ap rezoud yon pwoblèm lè yo ranvèse yon goblet ak bèk pou wè kijan yo fè likid la soti. Sipòte pitit ou a nan efò li yo. Si pilòn an blòk li a kontinye ap tonbe, sijere l pou ajoute blòk anba pilòn nan pou sipòte li. Fè travay nan kay la ansanm. Pase bale, pa egzanp, ede timoun yo rezoud pwoblèm tankou kijan pou mete kras yo nan ti pèl fatra a. Li enpòtan tou pou anseye pitit ou a pou l mande èd—epi pou w reponn pozitivman lè l fè sa.

Pandan vizit sa a, ekip pedyatrik la ap mezire longè, pwa ak sikonferans tèt tibebe w la. Yo pral koute batman kè tibebe w la epi egzamine je, zòrèy, nen ak bouch li. Tibebe w la pral pran tout vaksen ki nesèse yo. Nou pral pale sou devlopman ak abitid tibebe w la, tankou dòmi ak manje. Nou pral revize tou konsèy sekirite yo. Epi, byennantandi, nou pral pran tan pou diskite sou nenpòt kesyon oswa enkyetid ou ka genyen!